

ta ad fidem posita, aut per se diluenda, aut obscuranda, aut digressionibus obruenda. Perorationes autem ad misericordiam conferendæ. C. F. Semper ne igitur ordinem collocandi, quæ uolumus, tenere possumus? C. P. Nō fanè. Nam auditorum aures moderantur oratori prudēti, & prouido, & quod respuunt, immutandum est. C. F. Expone deinceps, quæ ipsius orationis, uerborumq; præcepta sunt? C. P. Vnum igitur genus est eloquendi sua sponte fufum: alterū uersum, atq; mutatum. Prima uis est in simplicibus uerbis: in coniunctis secunda. Simplicia inuenienda sunt: coniuncta collocanda sunt. Et simplicia uerba, partim natiua sunt, partim reperta. Natiua ea, quæ significata sunt sensu. Reperta, quæ ex his facta sunt, & nouata aut similitudine, aut imitatione, aut inflexione, aut adiunctione uerborum. Atq; etiam est hæc distinctio in uerbis, altera natura, tractatiōe altera. Natura, ut sint a-